






Guyyaa ifaa fi aduu dha, garuu daandiiwwan duwwaa dha; akkasumas naannoo hunda callisuun dhuunfatee jira.



Suugiiwwanii fi gabaawwan banaadha, garuu gorroowwan meeshaaleen irra naqaman duwwaadha. Balbalootni manneen barnootaa cufamaniiru; akkasumas daandiiwwan irra namni tokko hin jiru.







Manneen barnootaa cufaadha. Amina, Oliver, Tara fi Challa hunduu manaa akka hin sochoone dhorkamanii jiru. Isaan manaa akka gadi bahan hin heeyyamamuuf.

Eessumee, Koroonaan namni hundi waa'ee isaa odeessu kun maalidhaa? Nuti hundi du'uuf deemnaa? Namni hedduun dhibee kanaan qabamee dararamaa ykn dhukkubsachaa jira. Ani mana turuu fi hiriyyota koo wajjin taphachuu dadhabuu koo nan jilba. Maal goonaa?

Challa, hin hiphatiin. Koroonaan vaayireesiidha. Vaayireesiin kun akkuma vaayireesii dhibee qaama afuura baafannaa miidhan kanneen biraa hedduu kan duran turanii fi kanneen afuura namaatiin daddarbanidha. Koroona jechuun maal jechuu akka ta'e balinaan tarreefama isaa karaa ergaa gabaabaa nan siif erga.




Sodaateera, Challa deebii barbaaduuf murteesse jira. Inni eessuma isaa kan dooktara beekamaa ta'ee fi magaalicha keessaa hojjatutti bilbilee jira.



Nuti kubbaan foddoo Oliver fuldura bu'e.





Inni ka'ee figee gadi bahe




Hundumttu sagale Olivar dhagani gara barandatti figeni



Kunii Koroonnaa miti, Kunii!!!



Ani kana duraanuu nan beeka.



Maarree Amina, ati ni beekta.



Amina maali taate? Kan Aarte fakkaatta.





Boru guyyaa dhalootaa obboleettii koo ishee eegoo ykn xiqqoodha. Nuti qophii isheef qopheessuuf karoorsinee turre, garuu maatiin koo qophii sana ni hambisan ykn haqan. Amma isheen booyaa jirti. Ani amma waa'ee ishee miirrrii gaariin natti dhagahamaa hin jiru.

Dhugumatti, mucaayyoo xiqqoo kana ayyaanicha kabajuu dhiisuuf ishee gaafaachuun sirrii natti hin fakkaatu. Nu kessaa namni vaayireessii kanaan qabame hin jiru kana jechuun immoo nuti hundi fayyaadha jechuudha.



Ijoolle, kun of eegannoofi dha. Yeroo ammaa of eegannoon furtuu jireenyaadha.

"Koroonaan daangaawwan biyyaa hin kabaju, inni bakka hundatti argamuu ni danda'a, Afrikaa, Eesiyaa, Ameerikaa Awurooppaa.... Magaaloota gurguddaa fi xixxiqqaa akkasumas gandoota ykn qe'ee'wan keessattillee argamuu ni danda'a."

Dhugaadha, Maagaalaas ta'e qee'ee baadiyaa keessa jiraannullee hiikaa hin qabu - vaayireessiin achi qahuu ni danda'a. Magaalootni caalaattii kan dhibee kanaan miidhaman ni fakkaatu; sababni isaas namootni magaala keessa jiraatan baay'ee walitti hiiqanii jiru.



Eeyyee, namni dhibeen Koroonaa qabee jiru yeroo haxxifatu, qufa'u, ykn nama biraa wajjin harka yoo walqabatu, Koroonaan nama dhibechaan qabame irraa gara isa fayyaatti ni darba. Koroonaan karaa afaanii, ijaa fi funyaanii qaama isaanii keessa seenuu ni danda'a.



Garuu nuti dhibee Koroonatiin qabamnee dhukkubsachaa jiraachuu keenya akkamiin beeknaa? Haatii koo ganama har'aa yeroo tokko haxxifattee jirti. Vaayireessiin koronaa ishee qabeera jettee yaaddaa? Isheen du'uuf jettii?



Yeroo tokko haxxifachuu jechuun homaa jechuu miti. Garuu ati miiri dhukkubaa otuu sitti hin dhagahamiin dhibee COVID-19tiin qabamtee namoota biraallee faaluu ni dandeessa. Kun sababa koronaan dhibee qufaa waggaatti nama mudatu caalaa karaa salphaa ta'een tattamsa'u dha.

Koronaan qaama keenya keessa yoo seene, inni of baay'isuu ni danda'a. Sirni qaama keenyaa kan dhibee of irraa ittisu vaayireesicha dura dhaabbachuun of irraa ni lola. Sababa kanaaf qaamni keenya oo'ii isaa baay'ee kan dabalu yoo ta'u qufaan ni mudata. Namootni duraanuu rakkoowwan fayyaa qaban fi namootni umuriin isaanii akka akkoo fi akaakayyuu keenyaa wagga 50-60 ol ta'an baay'ee cimsanii dhibamuu ni danda'u. Yeroo tokko tokko isaan lubbuu isaanii baraaruuuf hospitaala seenaanii yaalamuu qabu.





Garuu ani ammayyuu obboleettii Aminaf nan gadda. Isheen ayyaana guyyaa dhaloota ishee kabajachuu danda'uu qabdi.

Maatiin amina waanta sirrii godhan, isaan obboleettii ishee qofaa otuu hin taane nama qophii ayyaana kabaja guyyaa dhalootaa sana irratti argamuu danda'an hunda dhibee irraa ittisan.



Mana turaa ykn taa'aa; miseensoota maatii keessanii kanneen baay'ee waliitti hiiqtan wajjin haasa'aa.



Akkoo ykn akaakayyuu keessan isin wajjin kan jiraatan yoo ta'ellee isaan irraa fagadhaa.



Yoo dirqama gadi bahuu kan qabdan ta'e kan akka nyaata bitachuu yoo ta'e malee gadi hin bahiinaa.

Gochi kun walirraa fageenya hawaasummaa jedhama.

Tole. Maarree Amina atis gammaduu qabda. Maatii kee namoota hunda dhibee kana irraa ittisaa jirtu.




Yeroo ammaa walirraa fageenya hawaasummaa tooftaa hunda caalaa faayidaa qabeessa ta'e kan namni hundi hojii irra oolchuu qabuu dha. Tooftaan kun tattamsa'ina vaayireesichaa qollachuuf ykn dhaabamsiisuufi vaayireesichi isin irra qubachuu dhiisuu isaa mirkaneefachuu tooftaa baay'ee bu'aa qabeessa ta'edha. Manneen barnootaa hedduun magaaloota keessaa fi baadiyaa sababa kanaaf cufamaniiru, isin hiriyyoota keessan yeroo gabaabaafiiyyuu yoo ta'e arguu hin dandeessan.

Maatiin koo walirraa fageenya hawaasummaa jechuun namoota hedduu wajjin gareetiin walarguu dhiisuudha jedhaniiru. Walgayiwwan ykn namoota hedduu ta'anii walitti qabamuun hin danda'amu



Siniimaa Hin Deemiinaa



mana nyaataatti walitti qabamanii nyaachuun hin danda'amu



Bakka Taphattii hiin aragamiinaa



taateewwan ispoortii gurgudoo hin raawwatiinaa



walgayiwwan ganda keessatti taasiifamu hin jiru



qophiiwwan guyyaa dhalootaa kabajuun hin danda'amu




Eeyyee, cancala ykn toora daddarbiinsa isaa kutaa. Dhugumatti of eegadhaa, akkasumas koroonaan akka qaama keessan keessa seenu hin heeyyamiinaaf.



Nuti yeroo hunda mana keessa oolu hin dandeenyu. Nuti nyaata bitachuuf ykn mana yaalaa deemuuuf dirqamu ni dandeenya. Yeroo akkanaa akkam goona?



Oliver sirrii jette. Garuu, nuti yeroo qadi baanu carraa dhibee kanaan qabamu keenya xiqqeessuuf waantoota salphaa gochu dandeenyu ni jiru.



Tokko, nagaa gaafachuuf kanaan booda nama hin dhungatinaa, hin hammatiinaa ykn harka hin fuudhinaa.



Seequu itti agarsiisaa ykn "Haay" jedhaa.




Namoota biraa irraa meetira 1.5 fagaadhaa.



Isin yeroo haxxifatan ykn qafaatan, ciqilee keessan gidduutti qufa'aa.



Yeroo diidaa ykn alaa ol deebitan/galtan harka keessan saamunaatiin dhiqadhaa.



Eeyyee, harka keessan saamuunaa fi bishaaniin yoo xiqqaate sekoondii 20f dhiqadhaa.







1. Palms



2. Back of hands



3. Between fingers



4. Back of fingers



5. Thumbs




6. Fingertips



7. Wrists

Karaa kanaatiin koroonaan harka keessan irra hin turu.

Isin bishaanii fi saamunaa of cinaatii hin qabdan yoo ta'e, alkoolii ittiin harka keessan haxaawwatan qabaachuu ykn harka keessan hanga dhiqachuu dandeessanitti fuula keessan xuxxuu hin qabdan.





Ijoollee, nuti hundi keenya koroonaan akka qaama keenya keessa hin seenne, ykn namoota biraa akka hin faalle waaliin taanee yoo of eeganne, nuti tattaamsa'ina vaayireesichaa xiqqeessuu ni dandeenya. Hanga dhibeen kun dhabamutti taphoota mana keessaa taphachuu, kitaaboota dubbisuu fi hojii manaa keenya hojjachuu ni dandeenya. Beekumsa nuti beeknu namoota beeknuuf haa qoodnu. Nuti garee Tattamsa'ina Vaayireesii Koroonaan ittisu dandeenyu dha.



Ani nama beeku hundaaf ergaa gabaabaa nan barreessaaf.

Ani maatiin koo ergaa kana hiriyyoota isaaniiif karaa bilibilaatiin akka qoodaniif nan gaafadha.

Ergaawwan furtuu ta'an namoota olla keenya jiran hundaaf haa qoodnu!



Guyyaa itti aanu...

